

fâk khawm an hnik naw a, ka in khawma an hawi chuong nawh. Phur rik tak phur nei ang hin ka um zinga, ka um hmuna khawm rawng ka bâwl ve thei tho an nawm, hlaw hai dâm nei ka ta, ka hlaw suok hai chun missionary fund a hai pêng ka ta ti in ka lungril an suol nasa thei khawp el. Sienkhawm Lalpa'n chuong chu a dit tawk nawa, ka puma a ma ta dinga inhlân kha a mi phût tlat a ni chu.. Nitin a kraws putu dingin a mi dit tlat a lo ni zing. Nunghâk lai taka missionary a zuk fe el khawm chu mihriemna rama dingin thil awl âi a ni nawh.

Vânglai hun tawite sùng le kuo ruol tha hai le vânglai hun hang hmang khawm nuom a um an nawm. Sienkhawm Thuhirilthuhai 12:1 ziek a chun, "I vânglai nihaia chun nangma siemtu che chu hre zing la, kumhai a hung hnaia, ni thanaw hai a hung tung hma le;" Ei vânglai huna a mi siemtu hrie zinga rawngbâwl ding a ni zie a suklang chieng em em a nih. Ei vânglai huna a mi siemtu hreloa ei nun ei hmang liema, ei chau hun (tar huna) le ni tha naw hun a hung tung huna Lalpa I rawngbâwl dingin ka fe nuom ei ti chun anhnu ding an tah. A san chu ei hrâtna'n a thei ta naw ding a ni leiin. Ei that lai, ei hmêl that lai tak hin suolin ei nungchang hai sukse tum in thang a lâk mêka. Chuong suol hai kui chu inruithei, internet, ei ngaizawng hai ei hmangai tak hai dam a ni nuom vieu a nih. Ei that lai tak hin Lalpa khawmin a mi dit a. A rawngbâwltu dingin a mi ko zinga, suol a ei thlûk ding hi a mi phal lul nawh a nih.

Lalpa ta dinga sin thaw hi hlawsamna a um ngai nawh. Taksa rama harsatna tuok inla khawm, thlarauah ruok chu hlawkna tam tak a mi pêk ve thung a nih. Harsatna ei tuok khawma ei khâtin ei tuor nawh. Lalpa'n a mi tuorpui zinga, iengtik lai khawmin a min tla ngai naw rêng rêng a, a kut ropui chun a mi chelin a min huol khum zing a nih. Sadrak, Meshak le Abednego hai khawm kha lal dang chibai an bûk nuom naw leiin meipuah pei lûtin um hai sienkhawm meipui s'unga khan Lalpa'n a umpuia, an sam zâi pakhat khawm kâng lovin an um a ni kha tie.. Meipui a inthawka sansuoktu Lalpa chu chatuona pângngâi, mi thangpui dingin an pei zing a nih. A ma ta dinga ei inpêk chun malsâwmna tam takin ei hni lo malsâwmna chen in a mi vur lem hlak a nih.

Umloa inthawkin Lalpa'n a mi thuoia, tu ruok hin chu a malsâwmna ka dawng hai pakhat khata ka tiem khawmin ka tiem sêng nawh. Lalpa mi hmangai zie ka hriet zuol deu deua, nitin hin a hma

From the Editor's Desk



“IENG DINGA PATHIEN IN HI THLATHLAM ZING EL AM IN NI LEH” Neh 13:11

Nehemia hun lai khawm hin Babulon saltâng hung kîr tahai khan Pathien In kha an lo thlathlamin, an lo ngaisak ta naw hle ti khi ei chângthlanga inthawk khin hriet theiin a um. Pathien chibai bûk hi an lo inthlada nasa ta em em. Chun Jerusalem temple khawm an lo ûksak ta naw hle bawk. A kul le bang siemthat tûl tamtak lo umhai khawm chu ngaisak a hlaw ta naw hle bawk. Lalpa thuruot, thupêk le dânhai khawm an lo ûksak ta naw a. A naunuhmei le naupasalhai dâm chu hnam danghai le dâm innei pawlin an lo um ta a, tawng dang dâmin an lo tawng ta hiel a. Châwlni an ngaisak ta naw bawk. Lalpa chanpuol sâwma pakhat kha an lo ngaitha ta bawk. Lalpa'n Israelhai thaw ding le zâwm dinga thu a lo pêkhai khawm chu an lo zâwm ta naw thu hai ti, Nehemia hin a hang hriet chun a lung a sen hle nin an lang. A chung a ei chângthlang khin, ***“Ieng dinga Pathien In hi thlathlam zing el am in ni leh”*** tiin a chipuihai chu a khak tâwl a nih ti ei hmu a.

Anleh, Einihai huna hin hieng ang khin inkâwkin, inzilin, khak tâwl ta inla ei lung a dam tâwl chie dîm ti dâm ngaituo tham tak nin ka hriet. Pathien biekin le a chanpuol sâwma pakhat char hi hei ngaituo tlâng inla. Tulai huna ei ram thleng pumpui thlirin ei Pathien biek dânhai hi ngaituo um tak ei ni tain ka hriet hlak. Tûm khat chu Nilai zân inkhâwmin Local kohran pakhat hin ka fe a, Inkhâwm mipui kha an tlâwm khawp el a, Thuhirilthu chun ei kohran hi mipui 320 vel ei ni ta a, vawizân hin mi 20 vel ei inkhawm a, mi 300 hai chu khawlâm an um nîng a ta? A mak khawp el a hung ti a. Hieng hi ei ngirhmun le nina a ni chun, tiin ramtin le hmun tin ka lo songtuo vèl neu neu a. Pathien biekin hi ei va ngaina ta naw lâwm lâwm de aw ti dâm, inkhawm ding khawm ei um ta naw vâng vâng nin an lang. Local kohran dang dâm ka hang indawn vèl chun Pathien biekin ngainatu inkhâwm hlak mi an lo tlâwm ve tâwl khawp el ti dâm ka hung hriet nâwk ta pei a. Pathien biekin ngainaa, ama chibai bûk dinga inkhâwm pei ei tlâwm ta hle a nih. Inkhâwm

inthlada ei tam ta hle hi iengtin am thaw inla inkhâwm ei tam thei deu ding aw ti hi ngaituo nawn seng inla nuoma um hle. Hi kawnga hin ringtu tinhai hi mani seng inngaituoiin inkhâwm taima dingin indinthar seng inla nuom a um tak zet.

Chun Lalpa chanpuol sâwma pakhat pêkna kawnga khawm hin ei inthlada nasa ta khawp el. Sâwma pakhat pêk nachâng hre ta lo ringtu inti si ei pung deu deu nin an lang bawk. Lalpa chanpuol pêk nachang hre lohài hin pêk nuomna lungril neiin hung indinthar seng hai sien nuom a um tak zet.

Tiemtuhai, Pathien In hi thlathlam lova, ama chibai buka inkhawm taima ding le thlarau le titakzetin ama chibai buk dingin indinthar seng dingin Lalpa Isu hmingin ei in ngen a nih.

Kohran chanchin: -

Tarik ni 5-14 July, 2018 sùng khan ei General Secretary Rev. Dr. V. Lalnghakthang khawm Mizoram sùnga kohran khawtin hai kan in an zin a, hi huna hin Upa HK Siema, Pastor Lalchawisang le Pastor Missionary haiin an thlawp. Hi program le inruol hin HCLF General Secretary a nina le inzawmin Sinlung Hills Council thuoituthar hai tawngtaipêkna le Pathienthua infuihuoina hun a hmang bâka Council Office hawngna hunser a khawm a zu thang nghal bawk.



Testimonial: -

NK. ZAIREMPUI KHAWBUNG

Lalpa mi thuoï dân hi ka ngaituo'n mak le ropui ka ti tâwp thei nawh. Iengkhawm nilo kei nuhmeite el, thlina rêng rêng neilo; mi hai hriet khawp khawm nilo ami hang hriet fûk el hi, keia ta ding chun thil ropuitak a nih. Ka nei phak lo ding ka hmu phâk lo mi pein amin hmu tira. Pathien hin mi tha le mi fel hai chau a rawngbâwltu dinga a thlang ni sien chu kei chu ka tling naw chieng hle a nih. Mi suol le thalo a ta dinga tlina rêng rêng neilo hai tlingah a mi ngai a. A rawngbâwltu dingin a thlang a, wawisun hun chen chen a rawngbawl theiin; testimony dam ziek lang theia hrisêlna tha a mi la pêk leiin LALPA chu inpâkin um raw seh.



Hun fe liem ta hai ka ngaituo'n Lalpa ta dingin ka nun, ka hun hai hi ka hmang tlâwm em em a. KTP a khawm active member ni ve na zâra ka theitawpin kan hmang ve niin ka hriet a chu ka hun hmang ta hai kha Lalpa ta dingin ka hun po po hi kan hlân hne naw a nih. Lalpa hnungzui in ti zing siin ka nuom zawng ngawt a ka um chu iengtin am Lalpa hnungzuitu ni thei ka ta? KTP a active ni ringawt chu Lalpa hnung zui a ni kher nawh. Lalpa hnungzui ding chun mani inhnâwl a ngai a nih. Matthai 16:24 Chun Isu'n a inchnûktirhai kuomah, "Tukhawmin mi zui a nuom chun, mani inhnâwlin, a kraws putin, mi zui raw se". Hi lai thu hin a hril chieng em em a nih. Lal Isu hnung zui ding chun nitina mani inhnâwl a ngai a. Ei thaw nuom zâwng, ei hril nuom zâwng hai po po peithlâk vawnga, ei khawvêl rohlu ei nia um hai ei intro em em hai inhlân hmang vawng a ngai tak zet a nih. Khawvêla ei rohlu hai hi inhlân hmang chu harsa tak a nih. Nisienlakhawm ei intro tak hai hi Lalpa'n inhlân hmang dinga a mi ti chu a nih. Ei inhlân/inthla phal naw chun Lal Isu hnung zui thei naw mei nih.

Lalpa'n a rawngbâwl dinga a mi ko khan ka nuom naw em em a, hril khawm ka hril ngam naw a nih. Chuonga ka hril ngam naw a, kan hlân ngawm naw phing chun ka lungri la hin mi turtu hi a um zinga, ka

- 2018 No. 616** : Ruotthang Thiek Diphu (Birla) chun Pathienin hrisêlna thar a pèk pei leia lâwmthu hrilna in Krista Hmangaina Rs.50/- a pèk.
- 2018 No. 617** : Mr. Lalvengthang of Taithu chun, Pathienin hrisêlna a pèkna khêlah an ran enkawlhai chen dam taka Pathienin a vêng pèk leiin lâwmthu hrilna in Krista Hmangaina Rs.100/- a pèk.
- 2018 No. 618** : Mr. & Mrs. Vanlalzawm of Damdiei hai chun, an inneina kum 25 chuongkai theia Lalpa'n a thuoina leia lâwmthu hrilna in Krista Hmangaina Rs.100/- an pèk.
- 2018 No. 619** : Mrs. Ngainuom of Parbung chun, a vawk vâi tha taka tê paruk (6) thuo theia a um leiin Pathien kuomah lâwmthu hrilna in Rs.100/- a pèk.
- 2018 No. 620** : Ngampabung RPC chun, fûr harsat lai taka thiltlawnpèk bufai bag 1 seng, Pathien le hotuhai a inthawka an dawng leiin lâwmum an ti hle leiin Krista Hmangaina Rs.300/- an pèk.
- 2018 No. 621** : Sartuinek RPC chun, Pathiena inthawk malsawmna thiltlawnpèk bufai bag 1 seng an dawng leiin hmangaitu Pathien kuomah lâwmthu hrilna in Krista Hmangaina Rs.500/- an pèk.
- 2018 No. 622** : Pu Hrilsanglien Sartuinek chun, Pathienin dam taka an sùngkuo a thuo pei leiin lâwmthu hrilna in Krista Hmangaina Rs.20/- a pèk.
- 2018 No. 622** : Upa Lalrohlun Valpakot hai sùnhkuo chun, vawisûnni chena Pathienin a malsawmna tamtak leh an hma a thuo pei leiin Pathien kuomah lâwmthu hrilna in Krista Hmangaina Rs.200/- an pèk.



- # Tlangram Presbytery sùnga Sakawrdai khuoah Pastor Quarter ding hmun le a in umsa inchawk thar a nih.
- # Lamka KTP hai chun Year Planner a um angin tarik ni 16 July 2018 zân a inthawk khan Bible tiemsuok an nei.
- # Synodin a rel angin Gen Hq office hotuhai Presbytery le Mission Field Office audit neiin an inzin suok a. Manipur Mission Field, Karbi Mission Field, Vangai le Cachar Presbytery audit in Rev Saithanglur Joute Secretary Evangelism, Rev Jacob L Hmar, Mr Jehovah Lalsiemsang haiin an neia; Phairam le Tlangram Presbytery Rev Edwin Darsanglur Secretary Missions, Upa LC Mawia, Pu Joseph L Infimatehaiin an nei a. Dun Presbytery le Tripura Mission Field Rev Lungawiruol Khawbung Director Development, Pu Vanlalrem haiin an nei bawk. Haflong Presbytery hi August thla tawp tieng nei ning a tih.
- # Kum Chanve Audit: Presbytery, General Hq (Synod) le department auditors (internal) haiin kum chanve audit a'n nei mèk a. Hmun thenkhata hai chuh audit hi zo fel a ni tah. Pathien zârin a telpuiin sum tieng khawm hmasâwnna hmu ding ala um pei a lâwm a um em em.
- # General Headquater Office compound lûtna ah rawl lung dâp a nih a. Mistiri hran ruoi lovin office staff hai hnatlangin an ni kut ngeiin an siem a. Compound sùng po po plastering la thaw vawng tum a nih.
- # Hmarkhawliena Central WMS hmalâknaa Nuhmeihai In bâwl khawm hma a sawn pei a; CKTP hmalâknain Thalai In ding tuhin bâwl tan nawk mèk a nih.
- # Hmarkhawlien KTP hai chun tarik 21-22 July khan Kotoikhal ah Gospel Tour an nei a inhawi an ti tlâng hle thu lo dawng a nih.
- # Shillong RPC KTP chun tarik 20-21 July 2018 sùng khan Annual Sports inhawi tak in an hmang a, khawmuol thua harsatna um met sienkhawm inhawi an ti tlâng hle thu lo dawng a nih.

Tirko Lien Rev Dr Huolthanglur le Rev Lalsiemthar Joute hai khawm Dun Presbytery, Tripuraah rawngbawlina neiin July thla kârtawp tieng po hun an zu hmang a. Dun Presbytery sînga local hai zu kan diet dietin, seminar an nei pui pei bakah, Pathien thuah Kohranhai leh inpawlina hun thatak an zu nei pui thei bawk. Dun Presbytery hi Prersbytery laia naupangtak ni sienkhawm, hmasâwn hrâttak an hung ni tung pei ei beisei.

Ei Missionary haiin July 14-30,2018 inkâr sîng khan Presbytery tina khuohai kanna an nei . Hi an bielfang sîng hin Mission Field a Quarter bawlina ding thawlâwm dawlina an nei pei bawk. Missionary hai chu hieng a ng hin biel inthe a nih.

Phairam Presbytery ah Evan Lalhmingthang le Evan Zairempui Tlangram Presbytery ah Evan Sana Tomba le Pastor Biseswor Cachar Presbytery ah Evan Vasty Ramhlimpui, Evan Som Bahadur le Pastor Lalkhawmawi.

Haflong Presbytery ah Evan Lalchawngghmun, Evan Zairemmawi le Evan Tharlawmthang

Mission Field a Quarter bawlina ding hmun hai:

Tripura Mission Field ah Kumarai Para, Rangkang, Birkumar le Basto Colony.

DUN Presbytery ah Duigang. Karbi Anglong Mission Field ah Hamren, Gilgal Bosti le Chanmari, chun Santipur Primary School Building renovation thaw ni bawk a tih.

Cachar Presbytery ah Kuki Nala

Phairam Presbytery KTP chun hla hriet rawn inelna Kristien Hlabu 75-100 an nei a ni a, thalai haiin an hlawkpui hle. Chun tarik 29 July 2018 a inthawk khan Bible Quiz (Nehemia Lekhabu) tan nawk a ni a team kuo in inelna nei a nih.

Headquarter office tuol khawm Mistiri ruoi dêr lovin gate a in thawk Office veranda chen râwl lung pha a nih.

2018 No. 607 : Upa S. Thanga Tuolpui chun Pathien zâr chaua In thar hluo theia a um ta leiin lâwmthu hrilna in Krista Hmangaina Rs.200/- a pêk.

2018 No. 608 : Upa V.L.Nghillo Lungtau Bethel, Haflong Presbytery chun, a naupa Zosanglien Lungtau HSLC SEBA hnuoiah First Division hmua hlawtlingna a chang leiin Pathien kuomah lâwmthu hrilna in Rs.200/- a pêk.

2018 No. 609 : Upa Nicholas T. Thiek & Family Muolhoi, Haflong Presbytery chun, an naunlu naupang tak Andrea Lalramdinthar Thiek in SEBA hnuoia HSLC First Division (Subject pahniah letter marks) hmuin hlawtlingna a chang leiin Pathien kuomah lâwmthu hrilna in Krista Hmangaina Rs.3000/- an pêk.

2018 No. 610 : Diphu (Birla) RPC Local Church chun, vawis ûn chena kohran mipuihai Pathien thlarau thuoina le malsawmna an dawng pei leiin lâwmthu hrilna in Rs.646/- an pêk.

2018 No. 611 : Calvin Songate Diphu chun HSLC First Divisiona hlawtlingna a chang leia Pathien kuoma lâwmthu hrina in Krista Hmangaina Rs.250/- a pêk.

2018 No. 612 : Julio Songate Diphu chun H.S. examna a First Division (61%) in hlawtlingna a chang leia Pathien kuoma lâwmthu hrilna in Rs.250/- a pêk.

2018 No. 613 : Lalruotkim Khawbung Diphu in Pathien thanguina zâra H.S. examna ah First Division (88.2%) hmu in hlawtlingna a chang leiin Pathien kuoma lâwmthu hrilna in Rs.200/- a pêk.

2018 No. 614 : Diphu (Birla) Local Church Krista Hmangaina Rs.358.

2018 No. 615 : Rev. & Mrs. Lalbiekmawi Thiek, Muolhoi, Haflong Presbytery hai chun, an naunu Margareth L. Thiek HSLC SEBA hnuoiah First Division (Subject pahniah letter Mark) hmu in hlawtlingna a chang leiin Pathien kuomah lâwmthu hrilna in Krista Hmangaina Rs.1000/- an pêk.

- 2018 No. 600 :** Savawmphai RPC Local chun, an phulo le an inrimpuilo harsat lai taka malsâwmna bufai an dawng hi an lâwm em lein lâwmthu hrilna in Krista Hmangaina Rs.200/- an pêk.
- 2018 No. 601 :** Patpuihmun WMS hai chun, kum 2017 a inthawk 2018 chena inkhat pa luvawm inhmang um ðhak lova Father's Day hlim le lâwm taka an hmang thei lein Krista Hmangaina Rs.300/- an pêk.
- 2018 No. 602 :** Mr. Lalrohluo hai nupa chun, harsatna sen veng vung lai taka bufai mi dawng tir tu hotuhai le Pathien chungah lâwmthu hrilna in Krista Hmangaina Rs.100/- an pêk.
- 2018 No. 603 :** Pu Zawma of Bagbassa, Tripura chun, a naupa Jjames in SEBA hnuoiah CI-X 2nd Division a a passed lawman in Krista Hmangaina Rs.200/- a pêk.
- 2018 No. 604 :** Tripura Mission Field Krista Hmangaina Rs.4020/-
- 2018 No. 605 :** Pastor Lalnithang Hmar hai nupa Diphu, Karbi Anglong Assam chun, an naute Master David Lalropui, a pieng tîra lung(Heart) tieng harsatna nei chu, a enkawlina le buoipuina a an thaw thei ruollo Pathienin thaw pêkin, hmangaitu le lampui ding hai ruot pêk peiin April ni 2, 2018 khan Hrudayalaya Hospital, Bangalore hmunah Pathien kut sinthaw ropui tak inlangin hlawtling takin Operationthaw zo a ni na le wavisûn chena Pathienin a sukhrât pei lein an lawm em lein iengkim thawthei Pathien kuomah lâwmthu hrilna in Krista Hmangaina Rs.300/- an pêk.
- 2018 No. 606 :** Mr. & Mrs. Rosem Varte Imphal hai chun, an naupa Rayden Remruotfel Varte kum khat Lalpa'n a ðhuoi tlung lein an lâwm em lein an lâwmna suklangna in Krista Hmangaina Rs.500/- an pêk.

Manja Biekin hawngna le inhlanna:

Tarik ni 31, July 2018 khan, Karbi Anglong a Manja RPC Biekin hawngna le inhlanna hunser Rev. Saithanglur Joute Secretary Evangelism in a nei a, Biekin lawmna ruoi ropui tak kîl tlang a nih. Hieng ang Biekin thar bawl zo theia an um hi ei lawmpui em em.



Manja Biekin zo fel le Pathien ropuina dinga hawng le inhlân thei a ni ta hih lâwmum ei ti a. A bikin Manja localhai lâwmpuiin um hle. RPC Kohran sînga hin hnam dang dang, mani ðawng a inkhâwm /inkeihruoi chi 12 lai ei um tah. Chuong hai lai ami chuh Manja hi a nih. Anni hi Kuki /Thado ðawng hmang an nih. Manja hi Dimapur le Diphu inkâra khuo um a nih. Ei Biekin hi National Highway sîr el a um, inzinmi hai ta ding chun hmu naw ruol ni lo a nih. Biekin hi June 2016 laia kha bawl ðan cho nisien khawm, kohran memberhai ðang tlang na zâra hawng thei a ni nghâl el hih lâwmum tak a nih. Bawl sîng khan Diphu Local le ðhalaihai khawmin ðum iemanizât an va ðangpui thei bawk. A bul ðanna dinga kut hung rawltu IIsan Presbytery Kohran South Korea Sr. Pastor a'nthawk khawmin lawmpuina thucha a hung thawn bawk. Kohran hi tam leia hrât a ni nawh, hausak leia thaw zo el thei khawm a ni nawh. Inpêkzona, inthuruolna le inðhangpuiintuona hai hi ân tlawn sîng chu Kohran Hring ni zing thei a nih ti Manja a Biekin bawlina hin sukfie nawk zuol hle.



Thawlui Lalram: *Sir phawta Jordan intan*

Pastor Missionary Sakawrdai

Buoina hin tulai ringtu nun hi a sukchâu ta khawp el a, nitin tin hin ei buoina hlak chu a hung pung deu deu bawk si a; chuleiin, ringtu nun hi ngaitha el chi an ta naw ti hi hriet chieng a pawimaw tak zet a nih. Buoi taluot na hin Lalpa ta dingin hun siem an tak ta hlak a. Mi'n Lalpa le hun an hmang tlawm ta si chun, an thlarau nun a hung chau ta ta a, tisa mit (mi fel nawna le suolna chau hmutheina mit) a hung hrât deu deu ta lem a nih. Ei Pathien hi ei ngaisâng em em si a, amiruokchu Ama ta dinga hun ruok chu nei thei dêr lo hi thilmak chu a nih. Oswald J Smith chun, "...*fâk hun, dâwn hun, zâl hun, school le office kai hun ei nei thei a Lalpa ta ding ruok chun hun ei siem pêk thei naw hi a mak ka ti a nih*" tiin a lo hril a nih. Anleh nangte, i Pathien ta dingin hun i nei ve thei hlak am? I Pathien i ngaisâng dân kha iengtin am in entir a?

Thabona hin ringtu hi hrui angin a mi zem khum a, a tha chu hrezing siin thawpei nawna (thabo) leiin hrenaw angin ei um el ta hlak a nih. Thabona hi Aiûmril ang a na, *khaw hé!* ti a thaw chun intan thei zing ni siin, ei lan tâng tâwk tâwk tho a nih. A paw khawp el. Hlatak khawm nisien, hnaite khawm nisien, mithi râ, mo lâwm, lungdaw le thil dang dang haia... *Amawinaw ie!* i ti a, a sur a sa hnuaia i fe tâwk tâwk hlak; I ngai pawimaw tho bawk leiin. **Nuomtu ta ding chun Lalpa ta dingin hun a um zingin a neithe zing a nih.** 'Lalpa le hun ka hmang naw hi a mawinaw ie! A âwmnaw ie!' bêk ti ve thei inla

nuom a va um de aw! Hla ziektu pakhat chun "*Ipasal i suonlama, i nau i suonlama, i huon le i ranhai i suonlam a, Lalpa n i suonlamhai chu la hmang pêk vawng sienla che iem chang i ta?*" tiin a lo zieka. Buoina hi Pathien le ei inkâr thiemchangna dinga hril chi chu a ni naw hle a nih.

Mi thabo in sin a thawpei naw chun fâk le dawn ding tlasamin pasie in a um hlak. Chuong ang bawk chun, thlarau tieng khawm thabohai chun thu thar hla thar an nei ngai naw a, an awngrawp tiel tiel lem hlak. Pathien le inpâwlna nei si lova thu thar hla thar ka

KRISTA HMANGAINA

2018 No. 594 : Hmangailien & Family chun, an naunu Rose Lalnunmawi in Pathien thuoina zârin pawl sawmpahni (XII) pass theia malsawmnaa a vur leiin an lâwm zie entirna in Krista Hmangaina Rs 200/- an pêk.

2018 No. 595 : Mrs Lalnunchawi of Valpakot, Phairam Presbytery chun, taksa hrisêl nawna le in suk silna chen neia a um lai khawma Pathienin kut khingkhata sin thaw thei peia a thuoina leiin Krista Hmangaina Rs. 100/- a pêk.

2018 No. 596 : Tlangvâl Isak Malsawmlien Muolvaipei chun, tukum khawtlânga tlangvâla a lût kumin class XII Science Second Division a pass in BA sunzawm theia a um leiin a lawm hle a, hieng chen chen thuoitu Pathien kuomah lâwmthu hrilna in Krista Hmangaina Rs. 100/- a pêk.

2018 No. 597 : Pi chinghau of Thingchom chun, Pathien thuoina zâr chauh sângkuo mâichâm hmang zawm thei peia an um lei le malsawmna tamtak an dawng hai leiin lâwmthu hrilna in Krista Hmangaina Rs. 160/- a pêk.

2018 No. 598 : Vangai Presbytery Standing chun, Pathien le hotuhai zâra malsawmna bufai an dawng hi, an ta ding chun Israel haiin thlalêra Mana le Vamîm an dawng anga Vangai Presbytery a bufai a sùr a hung sùr el hi lawmum an tie m leiin Krista Hmangaina Rs. 300/- an pêk.

2018 No. 599 : Patpuihmun RPC Local chun, Pathien le hotuhai zâra intin changkim bufai an dawng el hi ropui le lâwmum an ti takzet leiin Pathien kuomah lâwmthu hrilna in Krista Hmangaina Rs. 200/- an pêk.

inthawka inbuotsaina hmalâk dân ding Executive Committee mawphurna pèk a nih. (vide 50th Ex. Council Res.No.10)

5. Biel pumpui rawngbâwl na en in 51st Executive Council hunah Pro-Pastor 2 thlang nisien tha ti a nih. (vide 50th Ex. Council Res.No.11)
6. Vangai Presbytery office hmang ding BIKE inchawk pèk rem ti a nih. (vide 50th Ex. Council Res.No.16)
7. Muolhoi Biekin Retaining Wall chim siemna a hin Executive Council in Rs.50000/- a thangpui rem ti a nih. (vide 50th Ex. Council Res.No.21)
8. Mission Field thar hawng dân ding ruongâm (guideline) siem a nih. (vide 50th Ex. Council Res.No.22)
9. Kum 2019 kohran thupui ding in I HRINGNA DINGIN TLÂN SUOK RAWH (Gen. 19: 17) thlang a nih. (vide 50th Ex. Council Res.No.24)
10. 28th Synod khawmpui chu Lamka RPC kohranah innghat dinga remti a nih, a hun ding in 4-9 December 2018. (vide 50th Ex. Council Res.No.26)



dawng ti hi ti a um a, mimal le kohran siemtha nêkin a suksietin a sukna hlak a nih. Pathienin a biek nawsa khawma Pathienin a mi biek a ni; a ti tâl chun, Pathien hma a le kohranhai hma a chun khêl hril a ni a, thil tium tak khawm a nih. Anania le Saphira kha hrezing rawh.

Ei Pathien thu chun *thabovin um naw ro ti le Thlarau a chun thahnem ngai unla* (Rom 12:11) a mi lo ti pèk a ni kha. Ringtu thabo chun Thlarau rama hausak dân um naw a, hieng ang mi haiin thil rêng rêng hi an thaw pei naw leiin *a tûl nawh, a ngai kher kher nawh* an ti pei hlak. **Thabona leiin thlarau mi ni ding hi, tisa a mi ei hung ni pei ta lem a**, a paw hle a nih. Ringtu thabovin a nei mizie pakhat chu; *Thlaraua tan ta siin, tisa a zo* hi a ni, a san chu an thiltha thaw kha an (sunzawm) thaw pei ta naw leiin. Entima ding in: Nangkhawm, inhma khan chu Bible i lo tiem taimaa, tuhin chu i tiem pei ta naw a. Inhma khan Pathien i lo ti a i lo ngaisak a, tuhin chu khang ang khan i lo ni ta naw a tiin. Chuleichun, nangte, i thlarau inthanglienna ding le Pathien i hnai zuol thei na dinga hma i lo lâkna hai kha bân san i lo nei ve tâm?

Thabona le buoina thlifim hin ringtu hai hi nitin tinin a mi mût zinga, kampeta inring zinga um chu a tha a nih. Thabona hin ngaizalna a mi pèk a, chu ngaizalna chun, Bible tiem dâm, tawngtai dâm, *'zinga thawng ka ta'* ti peiin, ei Pathien le **kâr** (gap) a mi siem pèk ta hlak a nih. **Thabona leiin ei hmu ding ang ei hmu naw a, ei chang ding ang ei chang naw hi tamtak a lo um ding a nih.** Pathien le kâr a um pha pha chun suol pawisarak nawna dâm, suol ngaizalna dâm, thaw hi chu suol an naw ie, hi chu a pawinaw ie, tiin an ti pei hlak. Hieng ang mihain Pathien tieng an kâr vat naw chun, an lungril le an ngaituona hai chu Pathien angna nêkin Setan an hung ang zuol deu deu lem ta hlak a nih. **Pathien le inpâwl na hi pei le peinawah inghat lova thaw tawk tawk ding a ni lem a nih.** I Pathien leh inpâwl na i nei rawn po leh, i tisa mizie (suol) kha châu deu deu a ta, nitin siemtharin um pei i ta, a siemtu angpui in i um zuol deu deu lem ding a nih (2Cor 3:18 Col 3:10).

Ei Pathien le hun hmang, Ama le bunghei a tawngtaina ei hmang tlâwm ta leiin ei hung thâu deu deu ta a (tisa ra), thlarau tienga ruok chu kawr tak le tawl takin, paw

ti bék chuong lovin thenkhat ei lo um a nih kha. Thlarau malsáwmna dawng ding hin chu taimak a t̄ul a, taksa sukrinum a, suoka siem khawm (1Cor 9:27) hi a lo t̄ul hrim a nih. Pathien p̄awl na le thu thar hla thar dawng na ding hin pawisa nisi lovin a man um a nih. **Inchawk pei naw haiin, mi inchawksa an ring hlak,** Pathien le hun hmang an pei naw leiin.

A man i p̄ek ve nuom am? **Bat a thu thar hla thar dawng thei an naw a,** ‘*Lalpa, thu thar hla thar mi pe phawt la nakie a man chu p̄eng ka che*’ an ti thei naw a nih. A man chu hi hi a nih:- A ma le inpawl na (Bible tiema t̄awngt̄ai) nei zing zing ding, Ama thuzáwm nuomna lungril nei ding, a p̄awl na dit leia bunghei t̄awngt̄ai d̄am thaw nuom ding, in surrender-na nun (*Lalpa, I thu thu ni rawh seh,* ti ngamna ram) le lungril tak taka Lalpa hmang hlak ni nuom na lungril d̄am chu an nih. I Lalpa p̄awl na le Ama hmang hlak ini ve thei na ding in aman i p̄ek ve nuom am? A thurúk hri na hmun le a biek zing zing na hlak mi i ni nuom ve naw a? I nuom a ni chun, tho la insukhar la, hal lo le intro lova pe hlaktu (Jakob 1:5) I Lalpa kuoma

chun t̄awngt̄ai ve rawh. Oswald J Smith chun t̄ap pumin a Lalpa kuom a ngên a, a man ienganga tam khawm nisien pe ding in huom a nih; a Lalpa`n a hmang ding a ni phawt chun.

In my room, I walk up and down in prayer crying to the Lord; *Oh, God, used me, use me, no matter what the cost! Gladly will I pay any price if only I may be used of thee.* (Man Use by God ti lekhabu a ziek na ah)

Ringtu lai hin inhman nawna le buoinain nitin a mi nawr pei a ni leiin, **thawlui Lalram** hi a lo t̄ul ta hrim a nih. Bible tiem, t̄awngt̄ai, inkháwmhai d̄am hi pei rak naw khawma thawlui ding a lo a nih. Ei pei hun ei nghâk chun, thaw hun a v̄ang thei áwm de! **I sirna ram ram kha i ta a ni ding a ni si a.** Hla ziektu khawmin “*thawtam chu lâwmna tak a nih*” a lo ti bawka, tirko Paula khawm khan *tiemchin tieng a lo pan t̄âl t̄âl a lo nih.* T̄âl t̄âl na nun hin mihriem hi a siemtha hlak. Lekha tiemtu khawmin a thaw t̄âl t̄âl a imu suok hle in mi angin lêng nuom sienkhawm a tiem t̄âl t̄âl a nih kha. **Siemtharna chang ding hin, thawlui a lo t̄ul a nih.** Thawk hun, mood tha hun nghâk

The 50th Executive Council Report

*Rev. Dr. Huolthanglur
Secretary, Ex. Council*

Kum kârlaka kohran rorêl na insângtak Executive Council inthung waw 50na chu tarik 21-22 June 2018 s̄ung khan hlawtling takin Vocational Training Institute (VTI) Muolhlum, Rengkai, Churachandpur hmunah nei a nih. Tuta t̄uma Executive Council inthung hun a hin palaihai khawm an fekhawm tha a, kohran kalchawi hmatieng fe peina ding a thu pawimaw le thu t̄ul dang dang thurêl 26 lai neiin, ro khawm tuong taka rêl a nih. The 50th Executive Council inthungna a hin kum 2018 (January-June) s̄unga kohran Upa muol mi lo liemsan tahai; Upa Lalduoilo of Tuolbung le Upa Sangkhum of Sipuikawn hai s̄unna hun khawm hmang a ni bawk. Thurêl thenkhat kohran mipui lo hriet ding in a hnuoi a ang hin hung târlang an nih.

1. Human Resource Manual (HR) (thawktuhai enkawl dân) ennawn (review) rawt a nia, Executive Committee mawphurna p̄ek a nih. (vide 50th Ex. Council Res.No.4)
2. Tuta inthawk Presbytery le Department, Synod le Central Conference inkhawmpui hunah hai Children Home rawngbawl na a hmang ding thawlâwm **CHILDREN MINISTRY FUND** dawl na vawikhat nei zie ta ding a rawt a nih. (vide 50th Ex. Council Res.No.7)
3. Kum 2019 khi RPCNEI kum 40 (RUBY) tlingna ding a lo ni ta le inzawmin Kohran kum 40 tling lâwmna hi Local kohran tinah nei ding a rawt a nia, lâwmna hun hmang dân ding ruongâm siemtu ding in Hq Office mawphurna p̄ek a nih. (vide 50th Ex. Council Res.No.9)
4. Kum 2029 khi RPCNEI kum 50 (Golden Jubilee) tlingna ding a lo ni ta a, Pathien zâra Golden Jubilee tlung thei a ei um chun lawmna ropuitaka hmang ngei tha ti a ni a, tuta

kuomah Machi (TATA) zawr hlâwk dinga pêk a ni bawk. Chu el nilovin thlaisonngna ding thing inchâwk ding chun pawisa sum tamtak sêng ding a ni lein RPC Local hieng Thingchawm, Saidan, Saikawt, Valpakawt le Ngurtehai kuomah thing hung thawkhâwm dinga kutdaw tawp a ni a, nauin nu/pa kuoma thil a ngên ngaipawimawtaka nu/pa in a ngaiven angin annihai khawma mi lo ngaipawimaw pêkin thlaisonngnaa hmang sênglo um rak khawp an hung thawkhâwm a nih.

Russia FIFA World Cup 2018 le lo intuok de sienkhawm, ei Pathien chu Ama beisei tak tak tukai kuomah ân puong hlak a ni ti sukchieng êm êm tu chu Camper-hai hlawsam um lovin, malsâwmna dawngin intieng an inlawi seng a nih. Chun, camp khawrsaw man thungzo lo khawm um lovin ân todel thei bawk a nih.

A chungah ei hrilhai bâkah hin CKTP, Phairam Presbytery, KTP Standing Committee le mimal Gospel Camp neina ding le inzawma sum-le-pai, tha-le-zung, tawngtaina a hung thangtuhai po po chungah Organizing Committee a lâwm hle a, nangni hai zâr lieu lieu in ei Camp a hlawtling a nih.



PATHIEN TIUM

(L) *Talitha Lalrinliani
Rengkai*

“Ei Pathien hi mi kângbohman me a ni si a” Hebrai 12:29

Ei Pathien hi mi kângbohman me a ni si a. Ei Pathien hi a zainêmna le a hmangaina hauziehai le a ropuinahai hi nasatakin ei hril a, ei ngaithlâk hlak a; Pulpit sermonahai khawm hin rawngbâwltuhai hin Pathien tiumna le a thîkthusietna tieng hi an hril vâng hle a. Ei Pathien hi Pathien ropui, hmangaina le lunginsietnaa sip a nih ti hi ei hriet râwn dân tâk leh, ei ngaithlâk râwn tak a ni lei hin, Pathien tiumna ei hriet tlâwm lei hin Pathien hi ei ngaithain ei namnûl mei mei khawm a hawi tah a, a nih ngei, ei Pathien hi a ropuia, hmangainaa sip chu a ni ngei el. Ama thu zâwmtu, ama nauhai ta ding chun, anachu a lungsen hi tium tak a ni a, mi kângbohman me a nih a ti hiel a a nih ei Bible khawmin, chulei chun a tiumnahai, hun nuhnunga Isu hung nâwk huna thil tung dinghai le rorêlna hmasuon ding ei la niezie le chu huna ringnawtuhai chan ding tiumziehai dâm hi pulpitahai hin ngaithla ve zeu zeu hlak inla ka nuoma, ei ngaithlak râwn deuhai chu ei niah a det deu hlak si a. Pathien hi tina ei nei tlâwm ta hle a. Pathienin ngaidam thei naw a nei nawh a, mi ngaidam nâwk tho a tih, ti lungril nei khawm ei um tah a, Pathien hi ei mamawhai mi petu ding le ei hnina hai mi dawna ei ta dinga tsa le inhawi ei tina dinga a malsâwmna mi petu ding chauvin ei dita, suok ang elin ei inumtir a ni deu tak tah ni n hriet; ei tawngtainahai dâm hi ngaituo nâwn hlak inla nuom a um. Lalpa, chu chuh, kha khah mi pe la, mi thangpui la, La La ti hi ei hril râwn pâwl a ni ka ringa, kei khawmin La La ti hi ka sâm râwn thei em em a nih. A tlângpuiin La La ti hi ei sâm râwn pâwl chu a niin ka hriet, ei hma ei siel em em a nih. Chuong a ni leichun ei Pathien hi a Pathien nina hi ei sie hnuoiin, suok a pu n a nuomna na a tir a, a nuom nuom an thawtir ang el hin pu lem ni âwm taka khawsa khawm ei tam ta hle a nih.

Krista mohai ei nih ei inti si chun ei pasal Krista hi suok ang ni lovin pasal angin lu tak a nina chanvo hi inchangtir ei tiu. Nuhmei chun a pasal mizie le a lungril ditdânhai a hriet a tûl a nih. An inrema lungruol taka an intlawn zing theina ding chun a pasal mizie le a ditdân, a lungril

GOSPEL CAMP 2018(Report)

*Mr. Lalvulsang Infimate
Secretary, Gospel Camp*

Kristien Thalai Pâwl, Phairam Presbytery, RPCNEI Annual Conference 2017 in thalaihahi ta dingin Gospel Camp nei dinga Resolution a lo thlâk ta angin June 26-30,2018 sùng khan Children’s Home: Saikawtah hmang a nih.

KTP, Phairam Presbytery Standing Committee chun Camp chungchânga mawphurtu ding a hnuoia ang hin a siem.

- | | | |
|--------------------------|---|--|
| 1. Camp Director | - | Rev. Jacob L Hmar |
| 2. Secretary | - | Mr. Lalvulsang Infimate |
| 3. Finance cum Treasurer | - | Ms. Rose Lalmangai |
| 4. Committee members | - | a) Mr. Huolrokhum
b) Ms. Jehova Nissi |

Phairam Presbytery Standing Committee-in Camp nei hun ding(a tarik) le Speaker dinghai a lo induongsa vawng a ni leiin a hun le Speaker ding ngaituo chuong ta lovin a hmun dinghai ngaituoin biek thei thei le lekha a bawzui tûl tûlhai lekhaa bawzuina nei a ni bawk.

Gospel Camp chu June 26,2018 zântieng bufâk khawp a nthawk a lût nuom tuhai ta dingin inzieklûtna hun hawng tan a ni a, hi zân vêk dâr 7:30 in hunser pawimawtak hmangin Rev. Saithanglur Joute, Secretary, Evangelism, RPCNEI chun Gospel Camp hawngna le inhlânna a nei a nih.

Camp a inzieklût po hi mi 52 an nia, a rieklût tak hi mi 42 an nih a, inzieklût laia naupangtak chu kum 8 mi a ni a, a upa tak chu kum 42 mi a ni bawk. Camp Director le Speaker haiin Camp hmang sũa inhmang dân dinga an induong ang takin hunhai hmang a ni a, thilmak ve tak pakhat chu, camper camp a um pei taloa tlânhmang dinga lungril put an um thaknaw kha a nih.

Camp Organizing Committee kutah hin pawisa sum a um naw leiin inçanna ding tiin Phairam Presbytery sũa KTP Unit thenkhathai

Children Retreat Report 2018

Phairam Presbytery, RPCNEI

Thangbieksang CCO

Naupang Sunday School chun Retreat programme chu June 24, 2018 Rengkai RPC biekin le NSSU halla Pathien thuoina zârin hlawtling takin hmang a nih. “Naupangtehai ka kuoma in hung tir ro” (Lk. 18:) ti thupuia hmangin naupang le hotu 185 fekhawmin hmang a nih. Hi retreat programme hi Primary-Senior hai ta dinga buotsai a ni a, Speaker dingin Rev. Lungawiruol Khawbung, Director Development Department, RPCNEI le Rev. Lalsiemthar Joute, EAL RPCNEI hmang a nih. Chun ei Bible student Tv. Lalkansang, Tv. Kapkhanlian le Nk. Lalremruot haiin thei tawp suoin speaker hai an thangpui.

Hi retreat hin a thil tum tak chu Naupang hai po po Isu kuoma thuoina, Sandamna chang vawng hai sien ti a nih. Speakerhai khawmin Sandamna Thu hi theitawpin an khêkpui. Pathien thuoina zarin programme chu inhawitak le thafantakin hmang zo a nih.

Hi Programme hmang a ni theina le ruoi hai chen the a ni theina dinga sum le paia mi thangpuitu Phairam Presbytery Nu le Pa hai chung lawmthu ei hril a nih. Chun Rengkai Local Committee’n biekin le Sunday School hall phal taka an min hmangtir lein Pathien hmangin an chung lawmthu ei hril, chun Rengkai NSSU ha’n hnesawtaka hi retreat programme an host lein an chung lawmthu ei hril bawk a nih.



a hriet chun a pasal ditnaw zâwng le tha a ti naw zâwnga um ân lâu a, a pasal ditzâwng a hriet tlat lein a pasal ditzâwngin a um a, a pasal a suklungawi naw ngai nawh. Chun a pasal a lung a awi a, a nuhmei chungah a hlimin a lâwma, a nuhmei ditzâwng le a hlimna ding thaw ân hâwk a, a thu khawm tamtak a lâk ve a; lungruoltakin an intlâwn hlak. Amiruokchu nuhmeiin a pasal mizie le lungril ditudânhai a hriet naw ruokchun a pasal a suklungawi naw rawp a, a pasal tiumna a chawktho a, kut a tuor nâwk el hlak. Chuong ang chun eini ringtu, Krista mohai, ama pasala neituhai hin, ei pasal Krista mizie le a lungril ditudân ei hriet a tûl a, a lâwm zâwng le a ditudânhai ei hriet chun, chuong angta ei um bawk chun ei pasal suklungawi ei ta, a lung a awi a ni phawt chun eini khawm mi suklungawi nuomin, ei dithai le ei hlimna ding ei ta dinga thahai chu mi pêk intro nâwng a ta, a tiumna khawm ei chungah sukthoin um naw bawk a tih. Chuong nilova ei pasal mizie, lungril ditudân ei hriet nawh a, ei ngaisak naw bawk chun ei chungah a lunginsenna le a tiumna hung tho a ta, Krista ditudâna ei um naw a, setan ditudân lema ei um chun ei pasal ei uirêt san tina a na; kawppuihai uire chu khawvêl dân taka khawm lungsen naw chu mihriem ei um ring a um nawh. Chuong a ni lei chun ei pasal Krista hi thîkthusie tak le kângbohman mei a ni a, hi hih ei hriet a ngaisa bawk a, a ditnaw zâwng thaw hi inlâu a um a, ti a um em em a nih. Ei Pathien chu a lungsen nilo, a hlim laitaka a thil siem – vân inrûm dâm, têt dâm le thlipuihai dâm hi kei chun ka ti thei em em a nih. A lungsen a siem khawm nilo hman ei ti chun a lungsen a thilthaw ding chun ti a um hle ding a nih. A lungsen chawkthotu ni khawm inlâu a um em em a nih. Pathien hmangainaa sip, zainêmna le lunginsietnaa sip nisienkhawm lungsen a mihai hrem hlak khawm a ni bawk a. Chun a lungsen chawkthotuhai ta dingin hremmun khawm siemtu a nih. Ei chungah a zaidawtheina a tâwp a, ei pasal Kristain a mi mâk huna chun (min a nuhmei a mâk ta chun a dit ta nawh tina a nih) Ei chan ding chu a lungsen tâwp khâwka a mi hremna a ni ta ding a nih. Chu hremna chu natak le rinum hril ruollo chatuon hremna chu ni tâng a tih. A la dithai po le ama suklungawituhai a thuoi khawm huna chun insirin ngaidam inhni inla khawm tangkai ta naw ding a ni lein zangaina hun, hun lâwmum Lalpa’n a mi pek sùng hin Krista mizie le a ditudânhai hre a Ama uirêt san ta lo dingin le a tiumna hre zing dingin thang la tharin insiemthar ei tiu.

Lalpa’n a thu ei rênga ta dingin malsâwm raw se. Amen.

PATHIEN CHÂWIMÂWI VE HLAKE RAWH

Rev. Lalsiemthar Joute

“Aw hung ta u, Lalpa châwimâwiin hlimtakin hla sak ei tiu; ei insandamna lungpui châwimâwiin hlimtakin khêk ei tiu.”
(Sam 95:1)

‘Inpâkna’ ti le ‘châwimâwina’ ti hi a ieng lem him pawimaw lem a ta? Hi thumal pahnhai hi hieng zâwng khera khaikhin ðul bêk naw sienkhawm hi thu ka ziek lei hin ka ngaituo ve rak chu tie. Iengkhawm nisien Pathien ropui zie eini haiin ei târlangna el bâka châwimâwina le inpâkna ata ding hrim ei inhlân lem a ni ti hre zingin hieng thumal pahni hai hin ei subjecta ding hin an pawimaw dân an ang char a nih ti hi ei hriet nuom a um.

Ei ram kohran hi kum za chuong kristien ei ni ve ta a. Ei ringtu nina upat ang hu hin chu ei chung a hin Pathien hi a lungawi chie ðim? ti hi ngatuo tham tlingin ka hriet. A malsâwmna ei dawng rawn ang hin ama hi ei inpâkin ei châwimâwi chie am aw! Mal mi sâwmtu hi hre chang dêr lovin, ei phu lei rênga ei dawngah ei lo ngaipal el chun ei va thaw suol nasa awm de! Nikhat lai khan Imphalah ka van zin vaka. Motor sângah Pathien thu ramtin kan ti ti malam peia. Chu taka chun unaupa pakhat hin “ei hringna chung a hin thu neina iengkhawm ei nei naw a, zana thi ang dêra ei zâl lai Pathienin a mi vênga

zîngkâr damtaka a mi hang keitho nawk el dam hi kei chu ka lâwm thei taluo a, ðhungpuma lâwmthu hrila ðawngtâina ka nei hma hin, ka la zâl zing lai Pathien kan pâk a, Lalpa, I va ropui de aw... tiin ka bau hin thil iengkhawm ka hril hma’n Pathien inpâkna le châwimâwina in ka rawl hi kan suo hmasa tak hlak” a ti a, a ropui ka ti ngei ie. Ei Pathien hi inpâk tlâk Pathien a ni a, châwimâwi phu hlie hlie Pathien a ni bawk a nih ti hi ei hriet tasa khawm nisien ei zuk hriet thar nawk hi nuom a um hle.

Kum khat lai khan Muolvaiphei ðawngtâina tlângah Churachandpura kohran tum tuma

Iengkim ei thaw ta phawt hih Pathien chawimawina ding le ropuina ding a thaw ding ei nih.

4. THLARAU BOHMANG A HMANGAI A, HNUNGZUITU ðHA A SIEM HLAKE

Krista thiltum chu inhmang, misuol zawng zuok le sandam a nih. Ringtu in thlarau bohmang nêka invawi a hau pha pha thlarau a hlim thei ngai nawh. Chu kohran chuh Kohran hring a ni ngai nawh. Ka ngaituo hlaka, kohran thawlâwm po po iengzât hîm thlarau bohmanng man na hmangruo dingin ei hmang aw? Ringtu mimal tin hin hnungzuitu ðha ieng zam ei siem aw? Kristien Sungkuo ngiel ngiel, Krista hnungzuitu ðha hmu ding um lo sângkuo pung deu deu pal ei ti ti inlau a um ngei maw!

5. INNGAITLAWMNA LE THUAWINA NUN A NEI HLAKE

Inngaitlawmna le thuawina hi an fe kawp a, ðhe thei a ni nawh. Mi inngaitlawm hai nuna hin thuawina a pieng sa nghal hlak. Ringtu kawmaw hrim hrim, mi chapo anni hlak. Ei chapon a leiin ei hrât ding angin hrât thei nawh a. Ei hrâtna ding ei sawn hai khawm ei chauna rûk a ni lem zing a nih. Mi nun hnena ding a pawimawtak chu inngaitlawmna hi ana; mi’n an thaw ding a I ðit ang thaw ve pei theina hi Krista ei angna tak chuh a ni bawk. Mi dang thuawi ding a ei beisei ang bawk hin mi khawmin ei nia hin thuawina an zawng ve zing a nih. Hi hih inchûk daw thei el a ni nawh a, Krista a ei inchûk ding a nih. Krista puotu chun hi nun hih a nei ngei ngei hlak. Ei ramah inðheidana le indona a tam em em nasan chuh, Krista lungril ei inðawm pui naw lei a nih.

Thutâwp- Ka ti vet hlak a, pafa inpua naw tak chuh ringtu le a nau hai hi ei nih. Chu ding chun, nitina thlaraua siemthar zing ei ðul a. Ei tisa hih nitin a thi a, nitin a thlarau ðhuoina ei dawng a ðul a nih. Ringtu Piengthar ei ni char hin, ei lungril hmasa, Setan lungril kha peiin a um a. Ei niah Krista lungril hung piengthar chuh a hung inðhanglien pei a nih. Hi ni thei ding chun Pathienin titna thlarau ami pêk nawh a, danglamna le huoisenna thlarau ami pêk lem a nih ti hrein, nitin Krista lungril ei ni ah inðhanglien pei sien, chu ding chun, Pathienin mal mi sâwm seng raw seh.



theina dingin, a nina sukdanglam a t̄ul tlat a nih. Hausa sienkhawm, a pasietna leia ei hung hausak theina dingin, hmasiel lo takin mihriem ang in a hung insienga; suok angin an ngaitl̄awm a nih. Pansak, pantlang khawm uksak ta lo, mani khuo le v̄eng khawm ngaisak lo, mani in ùksak hlur ei pung ta em em a. Inhma a sapram nungchang – khuo le v̄eng ngaisak lo mizie hi ei nilai khawm a pung hr̄at ta hle a. Iengkim mani chan ding vawng a, mi dang ngaisak le th̄angpui tumna lungril khawm hi a da ta em em hih ienglei am n̄ing ati aw, ka ti hlak a. Krista lungril - Pi Pu tlawmngaina n̄eka inp̄ekzona lungril hi ei ni a hin a da deu deu ta am a ni aw, ti ding hin a um tah. Thil̄tha ei hriet r̄uk hai khawm khuo le v̄eng hrilna chang ei hriet ta naw deu deu.

2. MI DANG NGAISAKIN A LUNGINSIET HLAKE

Isu Krista'n ama cho in ngaisak sien chuh, Sandam in um nawng ei ta, beiseina bo ei ni ding a nih. Ama inhn̄awl a, ami ngaisakna hi ei damna a ni angin; ei ni hai khawm mi dang hai ngaisak ding ei nih. Mi th̄enkhat̄hai in ngaisak dân anga, mi dang sawis̄elna dinga an sietna ngaisaktu nilovin, mi dang siemthat̄na ding d̄am, mi dang sawmdawl̄na ding d̄am hriet tumin ei ngaisak lem ding a nih. Krista Lungril – mi dang ngaisakna hi mihai ta dinga malsawmna ei ni theina khawm a nih. Mi dang ngaisak hi nei po po ch̄an dinga inngaina aum hlak a. Mi dang in ngaisak hai in an nei po po an ch̄an chuong nawh, malsawmna dawngna a ni lem. Iem imi p̄ek thei ding ti n̄ekin iem ka thaw p̄ek thei lem ding che ti hi ringtu t̄awngbau ding tak chu a nih. Krista'n ei pawimaw tak - chatuon hringna ei nei dân ding ngaisak a, thi chena a hung inp̄ek angin, a hnungzuitu hai khawmin mi dang hai damna ding ei ngaisak ve ding a nih. Matthai 9:36 a chun ' Isu mipui tamtak a hmu chun a v̄engtu nei lo ber̄am angin a hmu leiin a lunginsiet a nih'.

3. PATHIEN A CH̄AWIM̄AWI HLAKE

Krista thil̄thaw chu, a pa ch̄awim̄awi a nih. Ama thuin iengkhawm a hril in a thaw naw a, a pa a tirtu dinz̄awng a thaw hlak a nih. Krista lungril indiktak neitu chun ma ni mawina ding a zawng ngai nawh a. Ma ni inchawimaw i a tum ngai bawk nawh. A th̄uoitu Pathien a chawimaw i hlak. Tulai ei ram a Kohran haiin Pathien chawimawina n̄ekin, ei ni inhawitirna ding tieng ei uor deu am an ta aw! Ka ti chang a um hlak.

th̄uoituhai camp an nei a. Chulaichun kei lem chu Pastor ka la ni nawh. Ana chu camp volunteer dinga ruot ka ni angin ka va thang ve a. Vaiphei Pastor senior takel pakhat le hin t̄uk khat chu z̄ingkar inhma tak hin inhn̄awm kan fe inruola. Chulaichun êkin khawm chu se takel temporary deua siem a la nia, a in khawm chu rangva bang, ruo a chep le a kawt parda khawm saiip khai tawp el lai a ni el bâka sei deua bawl a ni nghe nghea. Chu pa chu ka kawl chara inhn̄awm ana, a zuk inhnawm thl̄ak char chu "Halleluiah" a hung ti a, ka nui a suk za ang reng khawpela, a khaw hnungin ama le chun kan inpawla, thlarau mi takel a lo nih. Ama chun "iengkimah Pathien ei inp̄akin ei ch̄awim̄awi ding a nih. Ama z̄arin ei hringin ei ch̄anga, ama z̄arin iengkim malsawmna hai hi ei dawng lem chau a nih" a ti a. Pathien ropui zie a pholang chieng khawp̄el ie. Ramtin ka ngaitua ei kohran Reformed Presbyterian Church hi India hmarsak biela ding chun eini n̄eka malsawmna, v̄an manna dawng th̄a unau kohran dang hai ka zuk dap v̄ela, tu kohran khawm eini n̄eka hnienghnar pakhat khawm ka hriet d̄er nawh. Chu bâkah ram

le hnam ta ding n̄egi khawma th̄angpuina sin thaw tieng kawnga a kawt hawng lien tak khawm ei ni nghe nghe in ka hriet. Thil̄thlum chu phaivangin an bawr nuom ti hi thu dik umsa a ni ang hrimin Pathien malsawmna ei dawng hai lei hin kohran cencus khawm pung tieng hma ei s̄awn hle. Ana chu khuoiin p̄arzu a dawk zo chun a vuong hmang nawk hlak ang khan ei malsawmna dawng hi a p̄ar t̄lan ding chaua hung hai hin vuong k̄ir nawk annaw leh, ui in a luok a liek nawk hlak ang khan luok liek nawk el naw chu kohran mipui haiin thaw ding ei nei naw r̄eng a nih. Chuleichun hieng thil̄hai po po hi Ephesi kohran kuoma kawngkhat a la bâk zie a hril ang deu khan eini khawm ei bâkna lien takel chu a nih nin an lang. Tu theida lo dingin ei ziepui hang phawr dawk vak ei tih ie. Biel fang huna khawm hin malsawmna neitupa beisei n̄ekin a thil mi p̄eka hin ei lo buoi lem vawng el khawm hi nin anlang leiin a paw i tak zet a nih.

Ei hotu haiin Pathiena inthawkin vision th̄a takel an neia kohran hmakhuo ngai takin hmasawmna a um ding chun 'CHANGE' a t̄ul a nih an ti an ti a. Hi hi khawm hi tuhai Presbytery

in am a nih, Synod rorêlna zâwlah SAP ãwng hmang tlâwm le kohran lekha haiah a thei hram chun sap ãwngin ziek naw hram inla ti kha an duthusam a ni bawka, khawhem ei tawng ngeiin hang inlet ei tih! CHANGE ti hi THLENG DANGLAM tina a ni a, chuleichun ei kohran mizie hai khawm hi thleng danglam ngai tam tak um ngei a tih. Chu laizing chun kei ka lo invawi ve chu Rom zieka “a siemtu biek nêkin a isiemhai biein a rawng an bâwl lem si a” (1:25) a lo ti an. A rau ram nêkin ei malsâwmna dawng hai beiseina hin ei lungril a hluo rawn lem a nih. Hi lei tak hin kohran khawma hma ei sâwn ding angin ei sâwn thei naw pha a nih. Hieng thil hai hi ei suk danglam vat a pawimaw a nih. Chuleichun ei thil

nei hai le hin ei Pathien ei châwimâwi hi a ãul takzet a nih. Lalpan ei mamaw hai a hrieta, ei tul le pawimaw ang dungzuiin malsâwmna tiem senglovin mal a mi sâwm a. Hieng thil hai lei hin ei Pathien kuomah lâwmthu hril nachang ei hriet a pawimaw takzet a nih. Chuleichun ei Pathien thu târlangin a mi hril angin “aw hung ta u, Lalpa châwimâwiin hlimtakin hla sak ei tiu, ei insandamna lungpui châwimâwiin hlimtakin khêk ei tiu” a ti hi lungril taka hre a, ei Pathien hausakna le a ropuina hai chiengtaka hre tu ei ni hi nuom a um hle a nih. Chuleichun unau, I insûng le kohran fethlenga amaa malsâwmna i dawng hai lei hin i Pathien chu lungril taka inpâkin châwimâwi ve hlak rawh aw...



TOPICAL STUDY: **'KRISTA LUNGRIL'**

Rev Dr V Lalnghakthang

‘Hi Lungril Krista Isu khawma um kha nangniah um raw se. Ama chu Pathien nina neia um zing ni sien khawm, Pathien tluka um zing chu tum lui tlat dingah a ngai naw a, mihriemhai anga hung insiengin, suok angin an siem a, ama le ama an suktlawm ta lem a. Chun mihriem anga hung umin an ngaitlâwm a, thi khawp raka thu zawmin alo um ta a, krawsa a thina ngei chu’. Philippi 2:5-8

Isai 40:13 a chun ‘Tuin am Lalpa lungril a hriet, tu am a remruotpêktu nia ama inchûktir hlak? tiin alo khêk pui a.

1 Korinth 2:16 chun ‘Tuin am Lalpa lungril hre taa ama inchûktir thei ding? Ei ni ruok chun Krista Lungril ei put a nih’ alo ti bawka

Philippi Bung 2 sûnga hin Tirko Paula in hril tum tak chu, inpumkhatna leia hlimna thu a nih. Inpumkhatna ding chun inngaitlâwmna, inhrietthiemtuona, mani nêka mi dang ãha lem a ngai theina, mi dang hai ngîrhmun hrietthiem theina hai pawimawtakah a sie a. Mani ta cho en loa, mi dang ta khawm en seng ding ei ni zie thu a hril hawng a nih. Inpumkhatna chabi chu inngaitlâwmna a ni zie thu Isu Krista Lungril, inngaitlâwmna hmangin a hung hril zawm ta pei a. Krista Lungril hi thahrâtna a nei thei a ni naw a. Hi lungril hi Eden a ei lo inhmang ta kha ana. Ei ni inpeknaawk thei ni lo, Pathien Thlarauin a mi pêk naw chun hi lungril hi nei thei a ni nawh. Krista Lungril hi ãhatna dân a lungril ãha pângngâi el a ni nawh. Piengpui warna le nunnêmna narân el ni lo, mi nun hne thei khawp a lungril thlâkdanglam – sungril tieng sertan chu a ni lem a nih.

Ei thupui hieng ang hin hang the nawi ei tih

1. KRISTA LUNGRIL CHUN HMA A SIEL NGAI NAWH

Isu kha mihriema a hung pieng hma a ’nthawk Pathien nina famkim nei a nih. Ama a khan Pathien nina famkim a um a, Pathien a nih. Amiruokchuh, suol leia thiemnawchang haiin thiem ei chang nawk

KOHRAN

The Monthly Magazine of Reformed Presbyterian Church NEI

Volume – XXXIX No.4 JULY & AUGUST 2018



“INDINTHAR” Nehemiah 2:11

Rev. H. V. Sunga

30th March, 1922 – 29th July, 2018

To,

.....
.....
.....
.....
Pin

--	--	--	--	--	--

If undelivered, please return to :
The Editor Kohran
RPC Office, PO Box - 4
Churachandpur, Manipur-795 128

*Edited & Published by Reformed Presbyterian Church of North East India Synod and Printed at
Blessing Offset, Nehru Marg, Churachandpur, Manipur.*

Licence No. ADCC/03-p12/Ofsv25-16

***Kohran Magazine
Subscriber hai po po
Subscription fee hung pe nawk
diet diet dingin ei hung inngen
a nih***

: Editorial Board

Printed at : Blessing Offset, Nehru Marg, CCPur, Manipur

A SÛNGA THU UMHAI

KOHRAN
Editorial Board

Editorial :

From the Editor's desk 01

Kohran chanchin :3

Sermons :

1. Thawlui Lalram
Pastor Misionary 06
2. Pathien Tium
(L) Talitha Lalrinliani 10
3. Pathien chawomawai ve hlak rawh
Rev. Lalsiemthar Joute 12
4. Krista lungril
Rev. Dr. V. Lalnghakthang..... 15

Reports :

1. Children Retreat Report 18
6. Gospel Camp Report 19
7. The 50th Executive council report 21

Krista Hmangaina..... 23

Testimonial..... 27

Sunna 29

Kumkhat lakman: Rs. 100/- (wef. 2012)

Editor:

Rev. Dr V. Lalnghakthang
General Secretary, RPCNEI

Managing Editor:

Rev. Saithanglur Joute
Secretary Evangelism, RPCNEI

Jt. Editor:

Rev. Lalkhumvel Joute
Office Superintendent
Gen. Hq. RPCNEI

Type Setting & Design:

Lalsangvel Infimate
Computerist, Gen. Hq. RPCNEI

Business Manager & Treasurer:

Ms. Rose Lalhmangai

Cir. Manager:

1. Mr Barjohn
2. Mr. John Nathan

News Editors:

1. All Presbytery Secretaries
2. Youth Co-ordinator
3. Women Co-ordinator
4. Evangelist At Large

nêkin Lalpa mi hmangaina hi a mawi zuol deu deu a nih. Lalpa ka hmangai che ti naw thei ka ni nawh. A mi hmangaina hi a ropui em a, khawvêl mihai mi pek theilo chatuon dai hmangaina'n a mi hmangaia, Lalpa chungah hin ka lawmin ka hlim em em a nih.

Nk. Zairempui hi Hmarkhawlien Unit, Cachar Presbytery KTP member a nih. Tuhin N.G. Para ah Missionary sin thaw in nitin naupang hai lai rawngbâwlna neiin a um mêk a nih.



Sunna: -

Rev. H.V. Sunga ei lo the tah:

Pastor (ret'd) HV SUNGA (kum 96 le thla 4) Diphu chu a rawng a i bawl hlak Lalpa kuomah chawlhadam dingin tarik 29, July 2018 Pathienni chawhning dâr 2:40 khan amilo maksan tah. Hnam le kohran in ei tuor takzet a, a tu le te hai le kohran, a i maksan hai eituorpui takzet a nih.

Krista Pasałtha Pu Rev. H.V. Sunga hi Kum 1998 January khan Reformed Presbyterian Church North East India Pastor a lâklût a nih. Ama hmalâkna in Karbi Anglong, Assam a hin Kohran phun alo ni a. Kohran dan angin kum 1993 January khan pension pek nisien khawm, Kohran mamawna leiin March 2000 chen khan a pension bâkah thlatin lâwmman tlawmte pêkin mani inpêk tak meuin rawngbâwlna ala sunzawm thei a. An pêkna zârin Haflong biel a hai Kohran a hung pieng ta pei a nih.

Kohranin a thaw dan hlak angin, a ruong Hmar Thangsuopuon a inkhumna neiin RPC thawktu inrâlna sumfai a sùnghai kutah inhlân a nih.

A vûina hun hi tarik 30 July 2018 khan Diphu ah nei a ni a, Intieng Rev. Lalbiekmawi PS in thlamuongna thucha a hrila, thonawkna ni a ropui taka thonawk dingin Rev. Lalnithang Hmar in Diphu Christian Burial Ground a alo vûi liem tah.

Articles/Sermons/Reports etc. thawwna ding:
Email Address: rpc.kohranmagazine@gmail.com